

Una pillugu siunnersuut: Imaanut aqqartartutut suliaqarneq aqqartartullu atortui il.il. pillugit inatsisip allannguutai pillugit inatsisip Kalaallit Nunaannut atortuulersinneqarnissaanik kunngip peqqussutaa pillugu Kalaallit Nunanni Namminersorlutik Oqartussat oqaaseqaataat pillugu Inatsisartut aalajangiinissaat
(Peqqissutsimut Attaveqarnermullu Naalakkersuisoq)

Saqqummiussissut

(Peqqissutsimut Attaveqarnermullu Naalakkersuisoq)

Siullermeerneqarnera

Takornariartaassuit Kalaallit Nunaannut tikittartut amerliartornerat sulilu amerlanerusut tikittalernissaannik naatsorsuutiginninneq Kalaallit Nunaata imartaani imakkut angallannermi isumannaallisaanerup annertuutigut sukateriffigineqarnissaanik naalakkersuinikkut kissaateqarnermik nassataqarsimapput. Taamaattumik Folketingip imarsiornerneq pillugu inatsisip inatsisillu assigiinngitsut allat allannguutissaat pillugit inatsisissatut siunnersuutit akuerisimavai. Naalagaaffiup Sinniisaata imaanut aqqartartutut suliaqarneq aqqartartullu atortui il.il. pillugit inatsisip allannguutai pillugit inatsisip Kalaallit Nunaannut atortuulersinneqarnissaanik kunngip peqqussutaa Søfartsstyrelse sinnerlugu nassiuppa.

Aqqartartutut suliaqarneq aqqartartullu atortui il.il. pillugit inatsisip allannguutaa pillugu inatsisip imaanut aqqartartutut allagartartaarniarneq allagartamillu attassiinnarnissaq pillugit malittarisassat pisariillisarneqarnerat aamma Danmarkimi inuussutissarsiornermut ineriartortitsinermullu ministeri pisortani oqartussaasunut qarasaasiakkut attaveqartarneq pillugu malittari-sassanik aalajangersaanissamut periarfissaasa annertusineqarnerat ilaatigut nassataraa, kiisalu inatsisip allanngortinneqarnerata “Dykkerråd”-imik atorunnaarsitsineq nassataraa.

Imaanut aqqartartutut suliaqarneq aqqartartullu atortui il.il. pillugit inatsisip allannguutaa pillugu inatsisip Kalaallit Nunaannut atortuulersinneqarnissaanik kunngip peqqussutaa aalajangiiffigisassatut siunnersuummut 24-mut – tassa ilisimasortat pillugit inatsisip ilaata Kalaallit Nunaannut atortuulersinneqarneranik kunngip peqqussutaa pillugu Kalaallit Nunanni Namminersorlutik Oqartussat oqaaseqaataat pillugu Inatsisartut aalajangiinissaannik siunnersuummut – aamma aalajangiiffigisassatut siunnersuummut 25-mut – tassa imarsiornerup isumannaatsuunissaa pillugu inatsisip allannguutaasa Kalaallit Nunaannut atortuulersinneqarnissaannik kunngip peqqussutaa pillugu Kalaallit Nunanni Namminersorlutik Oqartussat oqaaseqaataat pillugu Inatsisartut aalajangiinissaannik siunnersuummut – ataneqartillugu isigineqassaaq .

Tassa imaappoq aalajangiiffigisassatut siunnersuutit taakku ataatsimoortumik inatsisiliat ilagigaat, malittarisassat Kalaallit Nunaata imartaani immakkut angallannermi isumannaallisaaneq pillugu piumasaqaatinik sukaterisoqarsinnaalersitsisut Kalaallit Nunaannut atortuulersinneqarnissaat siunertaralugu.

Peqqussutit taakku Kalaallit Nunaannut atortuulissasut Inatsisartut aalajangerpata tamatuma kingornatigut nalunaarutit 2015-imi umiarsuit takornariartaatit atorlugit takornariartitsinermi atuuttussat 2014-imit 2015-imut ikaarsaariarnermi atulersinneqassapput. Taamaattorli suliniutit ilaat eqqarsaatigalugit piffissaq ikaarsaariarfiusussaq sivisunerusinnaavoq. Nalunaarutit taakku

Kalaallit Nunaanni Namminersorlutik Oqartussat aamma imarsionermit tunngasunik
soqutigisallit suleqatigalugit suliarineqassapput.

Siunnersuut taamatut oqaaseqaateqarlunga Inatsisartuni akuersaartumik
oqaluuserisassanngortippara.